



NAJAVA SKUPA:

Fondacija Centar za javno pravo u saradnji sa **Pravnim fakultetom Univerziteta u Sarajevu** najavljuje stručno savjetovanje:

VREDNOVANJE RADA SUDIJA I TUŽILACA U BiH
petak 02. novembra 2018. godine, 14:00 sati

Univerzitet u Sarajevu, Obala Kulina bana 7
Sala Senata, II sprat

Riječ je o drugom savjetovanju u BiH kojim se nastavlja rasprava o ovoj temi. Rasprava je započela stručnim savjetovanjem koje je održano u Sarajevu krajem maja 2016. godine. Sa ovog savjetovanja su u formi zaključaka upućene preporuke VSTV-u koje su inkorporirale primjedbe sudija i tužilaca na postojeći sistem vrednovanja rada. Zaključci se mogu preuzeti na internet stranici Fondacije Centar za javno pravo pod linkom: <http://www.fcjp.ba/index.php/projekti>.

Pitanje ocjenjivanja i vrednovanja rada sudija i tužilaca je za nosioce pravosudnih funkcija najvažnija tema, jer se uspostavljanjem uravnoteženog sistema vrednovanja fokus pomjera sa dnevnopolitičkih ocjena na stručne kriterije. VSTV je u skladu sa preporukama EU-Komisije utvrdilo nacrt pravilnika ocjenjivanja na svojoj sjednici od 26/27. oktobra 2018. godine. Ispunjavanje tzv. orijentacione norme je i dalje osnov za ocjenu, s tim da su donešeni posebni kriteriji za sve segmente pravosuđa: za predsjednike sudova i za sudije, za glavne tužioce i za tužioce. U predloženom sistemu posebnu ulogu imaju predsjednici sudova i glavni tužioci tako da će u osnovi postojeći sistem ostati na snazi uz dorade u pogledu procedura i pojedinih kriterija. U nacrtu dokumenata nisu preuzete sugestije sudija i tužilaca sa stručnog savjetovanja od 29. maja 2018. godine (FJCP/Pravni fakultet), ali se uočava da su u kriterijima ugrađene sugestije u pogledu kvaliteta odluka i uloge viših sudova u postupku ocjenjivanja rada sudija. Predloženi sistem podrazumijeva niz dodatnih promjena u pogledu izbora i statusa glavnih tužilaca i predsjednika sudova. Očekujemo da će na skupu sudije i tužioci o tome iznijeti svoje stavove.

I ovaj skup ima zadatak da sama praksa dođe do riječi i da artikulira vlastite stavove o nacrtu kriterija za vrednovanje rada sudija i tužilaca. Skup treba odgovoriti na pitanje da li nacrti dokumenata o vrednovanju doprinose objektivnom i jasnom sistemu funkcije nezavisnog i efikasnog pravosuđa čiji rad se objektivno cijeni.

Nacrt kriterija za vrednovanje sudija će predstaviti sudija Vrhovnog suda F BiH i član VSTV-a BiH, **Goran Nezirović**, a komentiraće ih sudija Suda BiH, **Branko Perić**. Nacrt kriterija za vrednovanje tužilaca će predstaviti šef odjela za pravosudnu upravu pri VSTV-u **Rusmir Šabeta**, a komentiraće ih tužioc Tužilaštva BiH, **Džermin Pašić**. Objavljene analize FCJP-a i dokumenta VSTV-a o vrednovanju rada sudija i tužilaca u Bosni i Hercegovini mogu se preuzeti na linku <http://www.fcjp.ba/index.php/projekti>.

Na skup su pozvani sudije i tužioci kao i članovi akademske zajednice. Prijave za učešće na skupu putem emaila info@fcjp.ba ili putem telefona 033 262 715 ili 061 250 572, a prisustvovanje skupu je za novinare slobodno i ne podliježe prethodnoj najavi.

predsjednik FCJP
prof. dr. Edin Šarčević

dekanesa Pravnog fakulteta u Sarajevu
prof. dr. Hajrija Sijerčić-Čolić